

آبونه شرائطی : هریر ایچون  
سنه لکی (۲۷۵) آلتی آیانی  
(۱۵۰) خار ج ایچون سنه لکی  
۳۲۵ غروشدر .

نسخه سی ۵ غروشدر .  
ایکی نسخه برآزاده  
(۱۰) غروشدر  
سنه لکی ۵۲ نسخه در .

اداره خانه : باب عالی جاده سنده  
رشید افندی خاننده

اخطارات  
آبونه بدلی پشیندر .

مسلكه موافق آثار مع المنونیه  
قبول اولنور . درج ایدله یین  
یازیلر اعاده اولنلاز .

# کتابخانه

سیر ۱۳۳۰

صاحب و مدیر  
اشرف ادیب

باش محرر  
محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

تشکراتمک بوتون مسلمانلرک بورجیدر. ان شاء الله چوق کچمکسزین دیکر منکراتک ده قالدیغنی، قالدیرلدیغنی کورمک نصیب اولور. ذاتاً بومردار ایچکی، بوتون قنالقنلرک منبئی در، ام الحباشدر. بونک قالماسیله برچوق قنالقنلر طبیعتیله آزاله جقدر. اگر حکومت ملیه من بر آرزو دهامت وغیرت کوسترسه رذائلک اوکنه کچمک او قدر مشکل برایش اولماز.

ایچکی ممنوعیتک استانبولده ۱۵ حزیراندن اعتباراً صورت قطعیه ده تطبیقی حقدنه والی بک افدینک عزملریله برابر هلال احضر جمعیتک مساعی و مجاهداتی ده آقیشلاماق قابل دکلدرد. قانون چیقدی چیقهللی هلال احضر جمعیتی تشبثاندن کری طورمادینی کبی کچن کونده صورتی آئیده محرر راستدعای مقام ولایتیه تقدیم ایتشدی:

« بویوک ملت مجلسنک اک بویوک اجرا آتندن بری تلقی ایتدیکنز و ممالک متمدنه تک بک علاقه و تقدیر ایله تعقیب ایتدیکی کثول ممنوعیتی قانونک تام اوج آیدر استانبولده تطبیق اولونماسی، تطبیقنده برچوق محذورلر تأمل ایدرک تأخیره قالماسی مملکتیزک صنف متفکرینک اکثریتک منتسبی اولدینی هلال احضر جمعیتجه بک زیاده تأسی موجب اولشدر. خلقک منافعه عاید قوانینک باشنده اولسی ایجاب ایدن بویله بر قانونک اجنبی اشغالی وسیله سیله عدم تطبیق هر کون بیکرجه کشیلرک زهرلنمسنی، صوک فالان ثروت قیرینتیلرینک میخانه لره کیتمه سنی، برجنون مهوردن ماعدای برشی اولمایان سرخوشلر یوزندن جنایتلرک هله شو اوج آئیده عادتاً قودورمنجه سنه آرتماسی مستلزم اولویور. متارکه زماننده واستانبول حکومتک اک عاجز زماننده بیله بو ممنوعیتک استانبولده تطبیق بک سهیل واجنیلرجه جدی ممانعه معروض قالمایحی بزجه محقق اولدینی ایچون حکومت سابقه بر آن وظیفه ده دعوتدن و خلقه خدمتدن فارغ اولامشدر. حالبوکه درت کوزله بکله دیکن بومسعود کونلرده استانبولده ایلك خیرلی اجرا آت دییه کثول منعه بوتون خلق منتظر دی. بوکون بوتون دنیا ده کثول مجادله سی یاییلرکن مسلمان بر مملکتده ایچکینک منعی ایچون حکومتک امرلینه هیچ بر اجنبی حکومتی جدی بر مداخله ده بولونماز. بولوندینی مملکتک عرف و عادتیه حرمت ایتنه و اهاالیسنی زورله زهرله مکه قالمیشاجق حکومتلری، کره ارضده طرفدارلری میلیونلره بالغ اولان هلال احضر جمعیتی، وجدان عمومی عالمده پروتستو ایتمه حاضر در.

فرداده ممنوعیت اندیشه سیله بکریلکی صوک درجه ده چیقاران استانبولک آشانی صنفنک ایچکی یوزندن معروض قالدینی ششامتی بر متخصص کوزیله تعقیبه حاجت یوق، غزته لک ضابطه حوادثی بک بلیغ صورتده کوستریور. بناء علیه هلال احضر جمعیتی، وقت کچیرمکسزین ایچکی ممنوعیتک استانبولده تطبیقی کمال اهمیتله استرحام ایتدیکنی و بو خصوصده حکومتزه هر صورتله مظاهر اولدیغنی بیانه، هیئت مرکزیه تک صوک اجناسنک اتفاق آراقر ایله مأمور اولدیغنی عرض ایلرم اقدم. »

هلال احضر جمعیتی رئیس

دوقنور مظهر عثمانیه

بوندن باشقه هلال احضر جمعیتی مبعوث انتخاباتی مناسبیله خلقه خطاباً آریجه بر بیانیامه ده نشر ایتشدرد. استانبولده هان بوتون جامع و مسجد دیوارلرینه و سائر محله لره یاییشدیریلان بویانامه تک بر صورتی ده آتییه درج ایدیوروز. امیدایلرزه که تورکیانک هر طرفنده کی مسلمانلر هلال احضر جمعیتک بونصیحتنه رعایتی اقدم وظیفه تلقی ایلرلر.

مجلس آتیش بیک لیرا ایله اکتفا ایتمش، اوده والی بک افدینک همترلیله اولشدر. مکتب صنایعدن تنزیل ایدرز؛ دارالاحانه کلنجه اوکا بول بول سماحتلرده بولوروز. ایشته ترقی و غربلی اوله یی بو صورتله تلقی ایدیوروز.

دارالاحان کوزل کوزل شریقلر، نغمه لره دمسیاز اولورکن اونه ده مکتب صنایع مدیری ده ما کینه لرینه یاغ تدارکی ایچون دوشونوب طورده جقدر.

کورولیور که هرایشک باشی «ذهنیت» مسئله سیدر. او، دیکشمه دکدن صوکره چاره صلاح و سلامت یوقدر.

## ایچکی قالمیور

یارینکی جمعه کونی استانبول ایچون اک مهم بر کوندر. بوکونی بوتون مسلمانلرک تسعید ایتلری، بوتون عائله لرک بایرام اتخاذا ایتلری اقتضا ایدر. یاریندن اعتباراً آرتیق میخانه لرک قابولرینه کلیدلر آسیایور، ایچکی فیچیلری برلره دو کیلیور، راقی قدحلری قیریلور، عیش و نوش عالمی بقیلیور. یاریندن اعتباراً آرتیق سوقاقلری طولدوران سرخوش نعره لری کسلیور، طوغدی طوغلی بابالری هیچ بر دفعه آقشام بکننده کورمه من زواللی یاوروجقلر بابالرینه قاووشیور، هر کیجه سرخوش قوجه لرینی خوف و خشیت ایچنده بکله من صولوق بکزی قادینلر شن و شاطر اولنلری قارشیلایور. یاریندن اعتباراً آرتیق میخانه کوشه لرندن قالمایانلر کوندوز قازاندق لرینی آقشام اولرینه کوتو-ریور، قوری اکنکه فالان بر چوق عائله لر صیجاق یک بیور، چوجقلر بابالرینک یانه سوقولیور، بانلر اولادلرینی او قشایور، قادینلر عائله سعادتتی طویور. یاریندن اعتباراً آرتیق میخانه جیلر مؤید کورکه محکوملر کی جزالری چکه به باشلایور، شیمدی به قدر زهرله دکگری زوالیلرک آهنه طوتولقدن تریور، قانونه قارشی، جاهل مسلمانلره قارشی یکی طوزاقلر ترتیبیله مشغول اولیور. یاریندن اعتباراً آرتیق حبسخانه لرک قابوسی قاپایور، سوقاقلرده جنایتلر قالمیور، ناموس دشمنلرینی اندیشه آلیور، عمومخانه لرک قابولری چالینماز اولیور، چالوب چارمقله کچینمک ایسته ینلر یایدق لرینک عاقبتی دوشونه بیلیور، هر کس عفتانی باشنه آله رق حق یولنه کیرمک لزومی حس ایدیور. الحاصل آرتیق یاریندن اعتباراً دین مینمیزک تعطیل ایدیلن بر حکمی یکیدن ساحه تطبیقه وضع اولونیور، انسانلر شقاوتدن قوزتوله رق سعادتیه قاووشیور. ایشته یارینک استانبولک اسلام حیاتنده بو قدر بویوک، بو قدر مهم بر قیمتی واردر. بویله معظم و مبارک بر کونی بایرام یا بقی، دین مینمیزک بو حکم جلیبنی تأیید ایدنلره، تأییده سبب اولانلره جان و کولدن

محترم منتخب نابیره :

حاضرین واستقبالزدن یکانه مسئول اوله جق ملت مجلسمه  
مبعوثلرمزی انتخاب ایدم جک سزلسکزر . ملت سزلی دها رشید  
ومملکتک احتیاجنه دها واقف واهل عدایلیور ، کندی حق انتخابی  
سزه تودیع ایدیور . بناء علیه مسئولیتکزر خلقه ، تاریخه ، الله قارشلی  
پک بوپو کدر . امانته حرمت انسانلرک ابتدائی مزیتی در . سزه مبعوثلرینک  
انتخابی امنیت ایدن خلقک آرزو ایتدیکی کی دکرلی وخیرلی ذات سچمز-  
سه کز امانته خیانت ایتمش اولورسکزر . خلقک هان هپسی ایچکی دشمنی در ،  
ایچکی مجادله سنک باشنده بولونان هلال اخضر جمعیتی بیکلرجه اعضاسیله  
مملکتک وانسانیتک آتجق خیرینی دوشون برصنفت متفکر در .

سزدن خاق نامنه ، هلال اخضر نامنه رجا ایدیوررز ، که انتخاب  
ایده جککزر مبعوث ایچکی دشمنی اولسون ، بوتون جهان مدینتک  
تقدیر ایتدیکی وغبطه ایله قارشولادینی ایچکی ممنوعیتی قاوننک پایدار  
اولسنه وتطبیق ایدلسنه بوتون قلیله طرفدار اولسون ، نامزدلکنی  
اعلان ایدرکن بو نقطه یه صادق قاله جغنی ناموسیله تأمین واعلان ایتسین .

هلال اخضر جمعیتی

مصدره

## منع مسکراته طوغرو

اسلام ممالکک منع مسکراته طوغرو کیتدیکنی کال ممنونیتله  
کوریدیوررز . مصدردن کان صوک بوسته دن منع مسکرات ایچون وقوع  
بولان ملی فعالیتلرک نهایت مثبت وثمر بر ساحه به کیردیکی ومصر  
حکومتکده بو مهم مسئله ایله مشغول اولمغه باشلادینی وبر طاقم  
مهم قرارلوریدیکی آکلاشلمقده در . (الاهرام) غزته سنده او قودینمزه  
کوره مصر داخله نظارتی منع مسکرات جمعیتی رئیسینی دعوت ایدرک  
کندیسنه مصر حکومتک بوخیرلی حرکتله علاقه دار اولدینی وجمعیتک  
تشبثات ومساعدیسینی تقدیر ایتدیکنی بیان ایتمش وبوتون مصر ولایاتی  
مأمورین ملکینه سنه تبلیغانده بولونارقی بعدما میخانه کشادی ایچون  
هیچ بر رخصتنامه وبریلامسینی امر ایلدیکنی بیان ایتدکن باشقه  
حکومت حاضره نک ممنوعیت تامه یی تطبیق ایتسنه بعض اسباب مانع  
اولدیندن پک یاقین بر آتیده اجتماع ایدم جک اولان مصر مجلس  
ملیسنک بونی تطبیق ایتسنک قویاً مأمول اولدینی ، ملتک بو خصوصده  
هر حالده مجلسه اعتماد ایدم بیله جکینی سویله مشدر .

بوندن باشقه مصر قادینلری ده مسکراتک ممنوعیت تامه سنی تطبیق  
ایچون آریجه بر تشکیلات وجوده کتیرمشلر ومسکرات ایله مجادله یه  
باشلامشلردر .

مصر منع مسکرات جمعیتی اخیراً پک مهم مظاهر تله نائل اولمش ،  
چونکه هر درلو تشبثات خیره نک علمداری اولان پرنس عمرطوسون  
پاشا حضرتلری جمعیته مظاهرت بیوردقلری کبی پرنس محمد علی پاشا  
حضرتلری ده مصر قادینلری منع مسکرات جمعیتده بر نطق ایراد  
ایدرک بو حرکتی تشویق ایتشلردر .

بوندن باشقه امریقا حکومتات متحده سنی مصر سفیری ده منع  
مسکرات جمعیتنه مظاهرتده بولونمش وجمعیتنه انضمام ایتشدر .

الحاصل اسلام عالمک اک مهم مراکز مدنیه و دینی سندن اولان  
خطه مصریه ده منع مسکرات حرکتی زیاده سیله کسب قوت ایتمش  
ومسکرات آفتی اورته دن قالدیرمغه موفق اولاجق وبوصورتله اسلامیت  
وانسانیت نامنه معظم بر ظفر احراز ایدم جک درجه ده ایلرله دیکی  
اکلاشلمشدر . بو مهم حرکتک اک صوک موفقیتی احراز ایتسنه سنی ،  
ومصرلی دینداشلر منک (ام الحباثت) دن تمامیله قورتولماسینی سبیل الرشاد  
کال صمیمیتله تمی ایدر .

## انکلتزه - حجاز معاهده سنک هدفی

مصدره انتشار ایتکده اولان (الاهرام) غزته سنی (انکلتزه  
حجاز) معاهده سنک هدفی حقیقه یازدینی بر مقاله ده دیورکه :  
واستقلال تامنی حائز یکانه عرب دعواسیله مشغول اولانلرک مرجعی  
وموهوم عرب اتحادینک مرکزی اوراسیدی . خیلی زماندن بری عرب  
دعواسی اویقوبه دالمش ایسنده آناتولی طرفندن احراز اولونان  
موقیتلراوزرینه بودعوا دالینی اویقودن اویاندیرلمش ، بزده عربلرک  
خیرلی بر نتیجه یه دسترس اولاجقلرینی امید ایتمشدک . تورکار میثاق  
(ملی) لرنده عرب ولایتلرینه استقلالدن باشقه برشی تمی ایتمه دکارینی  
بیان ایتدکلرندن تورکار طرفندن هیچ براندیشه یه محل یوقدی .

وضیعت بو مرکزده ایکن (دوقور ناجی الاصل) لوندرده  
مستملکات نظارتنده احضار اولونان بر معاهده یی آلوب بر انکلتز  
زرهلیسیله حجازه عودت ایتدی ، (رویتز) آژانس عرب امرای  
وحکمدارلرینک اتحادینه انکلتزه نک ممانعت ایتمه دیکنه دائر ویردیکی  
خبرلر اوزرینه بر آزشک وشبهه یه دوشمش ، دها صوکره ناجی  
الاصل پک بیاناندن ، انکلتز مستملکاتندن ترشح ایدن حوادثدن